



ARUBA ANSE COURANT

Uw kinderen
groeien beter met
DOMO MELK
agente:
Veld Stores

Dagblad



voor Aruba

A refreshing drink

7-Up.....

agents:

Veld Stores

Instala aireacondi
cionado na Bo
Cas AWOR!!



tel. 2170

No. 3196

10STE JAARGANG

DONDERDAG 31 JULI 1958

listanan di Candidatonan a worde entrega Fichi Croes No Ta ' Riba Lista Di P.P.A.; Jose Geerman Si. A.V.P. Tur Ariba Lista Ta Arubano N.V.P.-A Un Partido Nobo Na Aruba

ORANJESTAD: — Ayera den curso di dia e listanan pa eleccion pa miembronan li Staten a worde entrega na Bestuurskantoor. Esun prome (esaki poco poco ta bira un radiación) cu ta presenta su lista ta e partido di U.N.A. Despues ta sigui e lista di N.V.P.-A., un partido nobo den firmamento politico di Aruba, mientras A.V.P. y P.P.A. a entrega nan lista casi 4'or di atardi. Directamente cu e tempo a jega pa cerramentu di entrega lie listanan, Hoofdstembureau a pone su mes na trabao pa controla e listanan. Después e college lo bolbe reuni pa determina number di listanan y colornan cu e partidonan por usa.

P.P.A.

E mas importante tocante e listanan ta cu P. Croes no tabata riba lista como candidato di P.P.A. Fichi Croes, presidente di partido aki y su senior Yrausquin, e forsa impulsivo mas importante, specialmente na principio di partido aki, no a logra libra e presion di otroonan den partido kende tabata masha contra pa senior Croes su nombre sali riba e lista. Si nos ta bon informa, tabatin un lucha basta fuerte tocante e punto aki tras di escenario, pero afortunadamente senior Croes mester a facilitá su lugar na un politico cu no ta conoci Marco Henriquez, cu ta trahando na DOW, riba na Santa Cruz. Con e votadorean — specialmente esnan di Santa Cruz — lo reacciona tocante esaki ta masha difícil pa bisa. Na e ultimo

eleccion di Eilandsraadverkiezing Fichi Croes a saca 574 votos, mas cu cualquier otro candidato di su partido, cu excepcion di Yrausquin.

Pa un siguiente sorpresa P.P.A. ta zoug tambe, cu ponementu di senior Jose Geerman riba su lista. Pa Statenverkiezing na 1955 senior Geerman

AIR CONDITIONING

tabata no. 2. riba lista di AVP y a worde eligi como Statenlid. Durante su periodo e hala bai na banda di P.P.A. lucha poco tempo cu su "Partido di Obreiro", pero awor a uni completo cu P.P.A.

No tin ningun Hulandes di Europa

riba lista di P.P.A. mientras senjores Anslin y Fichi. kende tabata mas abao riba lista durante ultimo eleccion, a hanja un lugar mas ariba e biaha aki.

A.V.P.

E partido AVP, cu tabata worde dirigi pa e defuncto J.H. (Henry) Eman, a forma un lista di Arubano so. En contrariedad di otro partidonan, cu tin hende tambe di otro islanan of Surinam of di Hulanda, AVP a pone unicamente Arubano riba su lista. Un punto notabel ta e number di senior L.V. Britten riba e lista. Na eleccion anterior senior Britten su number tabata riba lista di P.P.A. como candidato. Lo demas e partido aki a busca su hendenan mas den hobennan. Max Croes no. 3 ta di prome biaha cu ta para riba lista como candidato, pero por worde considera como un forsa impulsivo tras di partido aki.

UNA y N.V.P.A.

Plannan pa uni nan partido hunto esta di UNA y di N.V.P.A. cual tabata tumando forma serio ultimo temponan, porfin no a bai door, pa hopi motibo — y segun nos ta worde informa, specialmente pa motibonan practico. Lista di UNA no ta trespasa stranjo, unicamente anto cu number di Mile J. Croes ta riba lista trobe. Senior Croes actualmente ta trahando na Postkantoor na Willemstad-Coroway. Dr. Dussenbroek, un dije politiconan mas bieu di Aruba, tambe ta riba lista como candidato e biaha aki.

Mr. Dr. Da Costa Gomez ta prome riba lista di N.V.P.A., un zusterpartij di partido grandi di NVP na Corsou. Su number ta worde masha respetado na Aruba casi pa tur hende y manera ta muestra e lo yuda e partido aki masha hopi. Senior D. Vlaun, anteriormente Statenlid pa AVP (prome cu 1954) ta para como no. 2 y ta hende di St. Maarten, mientras un candidato nobo ta e jiu di Surinam mr. A. Heidweiller, kende ta no. 3 riba lista. N.V.P.A. tin riba su lista candidato di tur e islanan, di Surinam y di Hulanda y pa tal motibo ta purba pa hanja votonan di no-Arubano. Nunca e partido aki a tuma parti den eleccion na Aruba y lo mester comproba su forsa ainda.



P. CROES

.... no ta riba lista

Ayera P.P.A. a organisa pa motibo di entregamento di lista di candidatonan un tapoe masha grandi na Oranjestad. E tapoe aki a hala masha hopi hende. Despues tabatin un reunion riba e terreno dilanti di Huize de La Salle den Boerhavenstraat.

Pa e listanan completo di e candidatonan pa miembro di Staten di Antillas Neerlandes mira pagina dos.